



Na osnovu člana 9. Zakona o kantonalnim ministarstvima i drugim tijelima kantonalne uprave (Službene novine Srednjobosanskog kantona, broj: 8/03 i 14/03) te na osnovu Odluke Vlade Srednjobosanskog kantona o usvajanju Programa poticaja vodoprivredi sa kriterijima utroška sredstava, ostvarenih od vodnih naknada, broj:01-11.7-1519/2026 od 26.02.2026. godine iz nadležnosti Ministarstva poljoprivrede, vodoprivrede i šumarstva u 2026. godini, objavljuje:

**JAVNI POZIV**  
**za odabir korisnika sredstava**  
**ostvarenih od vodnih naknada -poticaj vodoprivredi,**  
**iz nadležnosti Ministarstva poljoprivrede, vodoprivrede i šumarstva**  
**Srednjobosanskog kantona za 2026. godinu**

**I. PREDMET POZIVA**

Objavljuje se javni poziv za dodjelu sredstava za finansiranje i sufinansiranje projekata u oblasti vodoprivrede i to:

1. Pozicija ekonomski kod **6154** subanalitika **JAU 007** „Kapitalni transferi javnim preduzećima - poticaji vodoprivredi“ u iznosu od **437.385,00 KM**
2. Pozicija ekonomski kod **6151** subanalitika **JAU004** pozicija „Kapitalni transferi drugim nivoima vlasti i fondovima – poticaji vodoprivredi“ u iznosu od **464.379,00 KM;**
3. Pozicija ekonomski kod **6151**, subanalitika **JAU 005** – poticaj vodoprivredi „Kapitalni transferi drugim nivoima vlasti i fondovima – poticaji vodoprivredi“ (interventna sredstva) u iznosu od **100.000,00 KM**
4. Tekući transferi neprofitnim organizacijama- poticaji vodoprivredi- ekonomski kod **6143** subanalitički kod **JAN008** u iznosu od **74.000,00 KM (Interventna sredstva)**
5. Tekući transferi neprofitnim organizacijama- poticaji vodoprivredi- ekonomski kod **6143** subanalitički kod **JAN001** u iznosu od **100.000,00 KM**

Sredstva za ove namjene su predviđena Budžetom Srednjobosanskog kantona za 2026. godinu u Ministarstvu poljoprivrede, vodoprivrede i šumarstva i u skladu sa Odlukom o usvajanju programa broj:01-11.7-1519/2026 od 26.02.2026.ostvarenih od vodnih naknada, s kriterijima raspodjele iz nadležnosti Ministarstva poljoprivrede, vodoprivrede i šumarstva u 2026.godini.

## II. NAMJENA

Predviđena sredstva koristit će se za:

1. finansiranje/sufinansiranje izrade projektne dokumentacije za vodne objekte, odnosno za projekte značajne za jedinice lokalne samouprave i mjesne samouprave (mjesne zajednice), (zaštitne vodne objekte, vodne objekte za iskorištavanje vode, vodne objekte za zaštitu voda, višenamjenske vodne objekte) na području općina u Srednjobosanskom kantonu (u daljnjem tekstu: Kanton);
2. finansiranje/sufinansiranje izgradnje vodnih objekata, odnosno projekata značajnih za jedinice lokalne samouprave i mjesne samouprave (mjesne zajednice), (zaštitnih vodnih objekata, vodnih objekata za korištenja voda, vodnih objekata za zaštitu voda) na području općina u Kantonu;
3. finansiranje/sufinansiranje održavanja vodnih objekata odnosno projekata značajnih za jedinice lokalne samouprave i mjesne samouprave (mjesne zajednice), (zaštitnih vodnih objekata, vodnih objekata za korištenja voda, vodnih objekata za zaštitu voda) na području općina u Kantonu;
4. finansiranje/sufinansiranje izrade projektne dokumentacije, projektovanje vodnih objekata, odnosno projekata značajnih za javna preduzeća i jedinice lokalne samouprave i mjesne samouprave (mjesne zajednice);
5. finansiranje/sufinansiranje izgradnje vodnih objekata značajnih za javna preduzeća i jedinice lokalne samouprave i mjesne samouprave (mjesne zajednice);
6. finansiranje/sufinansiranje održavanja vodnih objekata značajnih za javna preduzeća i jedinice lokalne samouprave i mjesne samouprave (mjesne zajednice);
7. finansiranje/sufinansiranje svih investicijskih poslova i nadzora nad izgradnjom vodnih objekata iz programa razvoja vodoprivrede Kantona;
8. finansiranje/sufinansiranje studije o mogućnosti korištenja hidropotencijala na području Kantona;
9. finansiranje/sufinansiranje istražnih radova te izrade investicijsko-tehničke dokumentacije;
10. finansiranje izrade Strategije upravljanja vodama u Srednjobosanskom kantonu 2025 – 2027. godine;
11. finansiranje/sufinansiranje izrade Plana upravljanja vodama u Srednjobosanskom kantonu za period 2025 – 2027. godine;
12. finansiranje/sufinansiranje otplate kredita i kamata prema projektu „Plava voda“ (preuzeta obaveza iz prethodnog perioda);
13. za finansiranje/sufinansiranje studije izvodljivosti pripreme i projektovanja i razvoja;
14. za sufinansiranje projekata upravljanja vodama radi:
  - a) smanjenja onečišćenja voda, postizanja dobrog statusa voda i sprječavanja degradacije voda;
  - b) postizanja održivog korištenja voda;
  - c) osiguranja pravičnog pristupa vodama;
  - d) poticanja društvenog i privrednog razvoja;
  - e) zaštite ekosistema;
  - f) smanjenja rizika od poplava i drugih negativnih uticaja voda;
  - g) osiguranja udjela javnosti u donošenju odluka koje se odnose na vode;
  - h) sprječavanja i rješavanja sukoba u pogledu zaštite i korištenja voda.

Dokumentima navedenim u stavu 1. ovog poglavlja utvrđeni su operativni zadaci organima nadležnim za realizovanje projekata i aktivnosti značajnih za Kanton, konkretno, razvoj vodne infrastrukture, koji se finansiraju iz prihoda namjenskih sredstava vodnih naknada i usmjeravaju na osnovu godišnjeg plana i programa Ministarstva, odnosno za sufinansiranje izgradnje i održavanja vodnih objekata (zaštitnih objekata, objekata za vodosnadbijevanje,

objekata za zaštitu voda od zagađenja), u skladu s članom 178. Zakona o vodama, kojima je utvrđeno namjensko trošenje sredstava vodnih naknada.

### III. PRAVO UČEŠĆA – PODNOŠENJE PROJEKATA

Pravo na podnošenje projekata na osnovu objavljenog javnog konkursa iz oblasti vodoprivrede te ostalih poslova i zadataka imaju subjekti s područja Kantona, i to:

- a) jedinice lokalne samouprave i najniže jedinice lokalne samouprave (mjesne zajednice) koje će projekat provoditi na području Kantona;
- b) javna preduzeća;
- c) neprofitne organizacije.

### IV. SADRŽAJ ZAHTJEVA ZA UČESTVOVANJE NA JAVNOM POZIVU

Zahtjev mora biti urađen sadržajno po traženim elementima i potrebnoj dokumentaciji ovisno o pojedinom projektu i to: **0.** Naziv projekta, **1.** Osnovni podaci podnosioca zahtjeva, **2.** Područje provedbe projekta, **3.** Projekat finansiranja, **4.** Ekološki aspekti investicije, **5.** Ostale aktivnosti.

Uz ovaj zahtjev potrebno je dostaviti i obavezne priloge koji su navedeni u **opštim uslovima/eliminatorskim uslovima kriterija za ocjenu prijave.**

#### 1. Zahtjev za uključivanje u projekt

Pod pojmom Zahtjev za uključivanje u program podrazumijeva se uredno popunjen Obrazac „Zahtjev za uključivanje u program“.

Ukoliko Zahtjev za uključivanje u program nije ovjeren i potpisan od odgovorne osobe, odbiti će se i neće biti predmet daljeg razmatranja Komisije.

#### 2. Obavezni prilozi

Pod ostalim priložima podrazumijevaju se oni prilozi koji se traže od podnosioca prijave, kojima podnosilac prijave dokazuje da li je kompetentan, pouzdan i da li redovno ispunjava svoje zakonske obaveze.

Prijave koje ne sadrže zahtijevanu dokumentaciju, bit će odbijene i neće biti predmet daljeg razmatranja Komisije.

Sva priložena dokumenta moraju biti izdana od strane nadležnih sudskih ili upravnih organa.

### V. KRITERIJI ZA VREDNOVANJE PONUDA

1. Kriteriji učešća, odnosno opći uslovi koji podnosioci prijave trebaju zadovoljavati kako bi mogli konkurisati za dodjelu budžetskih sredstava su sljedeći:

#### a) eliminatorski uslovi-javna preduzeća

- upis u odgovarajući registar i/ili osnivačkim aktom područje djelovanja koje je u skladu sa prioritetima za koje se dodjeljuju budžetska sredstva;
- uredno ispunjavanje obaveza iz svih prethodno sklopljenih ugovora o finansiranju iz budžetskih sredstava (izjava podnosioca zahtjeva);
- uredno ispunjavanje obaveza plaćanja poreza i doprinosa (direktni i indirektni porezi, potvrda nadležne porezne ispostave za porez i doprinose ili sporazum, potvrda

- nadležnog računskog centra Uprave za indirektno oporezivanje ili dokaz o podnesenom zahtjevu do dospjeća potvrde ili sporazum;
- kopija aktivnog bankovnog računa/potvrda iz banke.

b) eliminatorni uslovi-drugi nivoi vlasti-općine

- uvjerenja o poreznoj registraciji
- uredno ispunjavanje obaveze plaćanja poreza i doprinosa (direktni porezi -potvrda nadležne porezne ispostave za porez i doprinose ili sporazum);
- rješenje o razvrstavanju lica prema klasifikaciji djelatnosti,
- kopija aktivnog bankovnog računa / potvrda iz banke.

c) eliminatorni uslovi- drugi nivoi vlasti -mjesne zajednice/mjesne samouprave

- uvjerenja o poreznoj registraciji;
- uredno ispunjavanje obaveze plaćanja poreza i doprinosa (direktni porezi -potvrda nadležne porezne ispostave za porez i doprinose ili sporazum);
- rješenje o upisu u registar mjesnih zajednica;
- rješenje o imenovanju izabranih predstavnika;
- kopija aktivnog bankovnog računa / potvrda iz banke.

d) eliminatorni uslovi-neprofitne organizacije

- uvjerenja o poreznoj registraciji;
- uredno ispunjavanje obaveze plaćanja poreza i doprinosa (direktni porezi -potvrda nadležne porezne ispostave za porez i doprinose ili sporazum);
- rješenje o upisu u registar udruženja;
- kopija aktivnog bankovnog računa / potvrda iz banke;
- izjava kojim je internim aktima uspostavljen: model dobrog finansijskog upravljanja, način sprječavanja sukoba interesa pri raspolaganju proračunskim sredstvima, odgovarajuće organizacijske kapacitete i ljudske resurse za provođenje programa ili projekta (izjava podnosioca zahtjeva).

2. Kriteriji odabira programa i projekata koji će biti finansirani, odnosno posebni uslovi na osnovu kojih se ocjenjuje prijava:

- usklađenost ciljeva programa ili projekata sa ciljevima i prioritetim oblastima iz strateških dokumenata iz kojih su izvedeni prioriteti za dodjelu sredstava koji definišu program ruralnog razvoja; (30b)
- postotak vlastitog udjela u finansiranju projekta; (20b)
- uticaj projekta na zaštitu voda; (20b)
- uticaj projekta na pravičan pristup vodama; (10b)
- uticaj projekta na umanjeње negativnih posljedica voda; (10b)
- uticaj projekta na klimatske promjene; (10b)

Na bazi navedenih kriterija izvršiti će se bodovanje u skladu sa prezentiranim.

## VI. POSTUPAK

Ministarstvo će postupak provoditi u skladu sa Smjernicama o minimalnim standardima dodjele budžetskih sredstava putem transfera i subvencija u Federacije Bosne i Hercegovine („Službene novine Federacije Bosne i Hercegovine“, broj 37/24; u daljem tekstu: Smjernice).

## VII. PREUZIMANJE POTREBNE DOKUMENTACIJE

Potrebnu dokumentaciju za učešće na Javnom pozivu, pripremio je Ministarstvo poljoprivrede, vodoprivrede i šumarstva, ista se može preuzeti elektronskim putem na web stranici Vlade SBK [www.sbk-ksb.gov.ba](http://www.sbk-ksb.gov.ba) ili u prostorijama Ministarstva poljoprivrede, vodoprivrede i šumarstva u Travniku, ulica Prnjavor 16A svakim radnim danom u vremenu od 08-11 sati.

## VIII. PODNOŠENJE PRIJAVE

Prijave sa odgovarajućom dokumentacijom, šalju se lično ili preporučeno poštom u zapečaćenim kovertama na adresu:

Ministarstvo poljoprivrede, vodoprivrede i šumarstva  
Stanična 43  
72270 Travnik

sa naznakom: „**NE OTVARATI – Zahtjev po javnom pozivu za odabir korisnika ostvarenih iz vodnih naknada iz nadležnosti Ministarstva poljoprivrede, vodoprivrede i šumarstva Srednjobosanskog kantona u 2026. godini**“, sa pozivom na broj: **06-21-2780/26**

Rok za dostavu programa – projekata je 30 (trideset dana) od dana objave javnog poziva.

Prijave primljene nakon isteka roka neće biti razmatrane.

Utrošak namjenskih sredstava je ovisan o ukupno prikupljenim prihodima, odnosno ukoliko se ostvare manji prihodi iznosi će se korigovati za procenat manje prikupljenih prihoda.

## IX. TROŠKOVI PROJEKTA – PROGRAMA

U postupku javnog konkursa Ministarstvo poljoprivrede, vodoprivrede i šumarstva ne snosi nikakve troškove učesnicima poziva, te zadržava pravo da prijavu prihvati u cijelosti, djelomično ili je u potpunosti odbije, poništi javni poziv ili odbaci sve prijave u bilo koje vrijeme prije sklapanja ugovora.

Ministarstvo poljoprivrede, vodoprivrede i šumarstva neće snositi nikakvu odgovornost prema učesnicima poziva, niti je obavezno objasniti razloge takve odluke. Prispjela dokumentacija neće se vraćati.

## X. REKAPITULACIJA

Ministarstvo može vršiti preraspodjelu planiranih sredstava između pojedinih stavki programa u okviru ukupno planiranih sredstava iz ovog programa, ukoliko se za to ukaže opravdana potreba i to; nedovoljan broj kvalitetnih projekata određene grupe transfera a druge je bilo više i sl.

## XI. OSTALE ODREDBE

Sa kandidatima čije se prijave prihvate, Ministarstvo poljoprivrede, vodoprivrede i šumarstva će potpisati Ugovor o implementaciji dodijeljenih sredstava, kojim će biti preciziran način i dinamika korištenja odobrenih sredstava, te nadzor nad trošenjem istih u namijenjene svrhe.

Sve dopunske informacije vezane za poziv mogu se dobiti svakim radnim danom putem telefona broj 030/ 511 – 218 od 08,00 do 11,00 sati ili e-mail: [mpvs@sbk-ksb.gov.ba](mailto:mpvs@sbk-ksb.gov.ba) .  
Sve procedure imenovanja i nadzora definisani su u Programu utroška ostvarenih iz vodnih naknada za 2026. godinu.  
Javni poziv je dio Programa poticaja vodoprivredi sa kriterijima utroška ostvarenih iz vodnih naknada za 2026. godinu.

Broj: 06-21-2780/26  
Travnik, 14.05.2026. godine

